



Broj: 16-12-16-6065- ~~9~~ /18
I. Sarajevo, ~~15.10.~~ 2018. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH”, br. 27/04, 63/04, 35/05, 49/09 i 40/12), člana 70. st. (1), (2), (3) i (6) Zakona o javnim nabavkama („Službeni glasnik BiH”, broj 39/14), člana 9. stav (2) Pravilnika o uslovima i načinu korištenja e-aukcije („Službeni glasnik BiH”, broj 66/16) i Izvještaja o toku i završetku e-aukcije Agencije za javne nabavke od 05.10.2018. godine u postupku javne nabavke lož ulja za potrebe Regionalne kancelarije Mostar, Državne agencije za istrage i zaštitu, na preporuku Komisije I za nabavke za potrebe Državne agencije za istrage i zaštite za 2018. godinu broj 16-12-16-6065/18 od 10.10.2018. godine, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača po Konkurentskom zahtjevu za dostavljanje ponuda za javnu nabavku lož ulja za potrebe Regionalne kancelarije Mostar, Državne agencije za istrage i zaštitu

Član 1.

U postupku javne nabavke lož ulja za potrebe Regionalne kancelarije Mostar, Državne agencije za istrage i zaštitu, putem Konkurentskog zahtjeva za dostavljanje ponuda korištenjem e-aukcije, ugovor o kupoprodaji 4500 litara lož ulja, dodjeljuje se ponuđaču „HIFA“ d.o.o. Tešanj, ponuda broj 16-12-16-6065-6/18 od 25.09.2018. godine, za ponudenu cijenu 7.500,51 KM bez PDV-a.

Član 2.

Prijedlog ugovora o kupoprodaji dostaviti će se na potpis izabranom ponuđaču, po proteku roka od 10 dana, računajući od dana od kada su svi ponuđači obaviješteni o izboru najpovoljnije ponude.

Član 3.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

Član 4.

Ova odluka objavit će se na web stranici Državne agencije za istrage i zaštitu, istovremeno sa upućivanjem ponuđačima koji su učestvovali u postupku javne nabavke.

Član 5.

Ova odluka stupa na snagu danom donošenja.

O b r a z l o ž e n j e

Odlukom direktora Državne agencije za istrage i zaštitu (u daljem tekstu: Agencija), broj 16-12-16-6065-1/18 od 11.09.2018. godine, pokrenut je postupak javne nabavke 4500 litara lož ulja za potrebe Regionalne kancelarije Mostar, Agencije, putem Konkurentskog zahtjeva, za koji je obavještenje o nabavci broj 1161-7-1-402-3-69/18 objavljeno na Portalu Agencije za javne nabavke 13.09.2018. godine. Procijenjena vrijednost javne nabavke je 8.000,00 KM bez PDV-a, a za šta su novčana sredstva obezbjeđena u okviru budžetskih sredstava za 2018. godinu. Za navedeni postupak javne nabavke predviđena je e-aukcija u skladu sa odredbama Pravilnika o uslovima i načinu korištenja e-aukcije („Službeni glasnik BiH”, broj 66/16) (u daljem tekstu: Pravilnik).

Komisija I za nabavke za potrebe Agencije u 2018. godini (u daljem tekstu: Komisija) dostavila je Izvještaj o radu broj 16-12-16-6065/18 od 10.10.2018. godine u postupku javne nabavke 4500 litara lož ulja za potrebe Regionalne kancelarije Mostar, Agencije.

Obzirom da je tačkom 6. Konkurentskog zahtjeva navedeno da je rok za dostavljanje ponuda 26.09.2018. godine do 13,00 sati, te da se ponude dostavljaju u zatvorenoj koverti, Komisija je dana 26.09.2018. godine u 14,00 sati izvršila javno otvaranje ponuda prema datumu i vremenu prijema.

Blagovremeno su dostavljene dvije ponude i to:

R.br.	Naziv ponuđača	Ponuđena cijena (bez PDV-a) u KM
1.	„HIFA“ d.o.o. Tešanj	7.740,00 KM
2.	„HIFA-PETROL“ d.o.o. Sarajevo	7.920,00 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH”, broj 39/14) (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja njihove prihvatljivosti u smislu Pravilnika, te kvalifikovanosti shodno uslovima navedenim u Konkurentskom zahtjevu.

Uvidom u sadržaj dostavljenih ponuda, Komisija je utvrdila da ponuđači: „HIFA“ d.o.o. Tešanj i „HIFA-PETROL“ d.o.o. Sarajevo ispunjavaju kvalifikacione uslove u pogledu lične sposobnosti, sposobnosti obavljanja profesionalne djelatnosti, ekonomske i finansijske sposobnosti, te tehničke i profesionalne sposobnosti. Također, Komisija je utvrdila da navedeni ponuđači ispunjavaju i formalno-pravne uslove postavljene u Konkurentskom zahtjevu, te da podliježu preferencijalnom tretmanu domaćeg.

Budući da je Konkurentskim zahtjevom predviđeno da se za postupak javne nabavke 4500 litara lož ulja za potrebe Regionalne kancelarije Mostar, Agencije provodi e-aukcija, Komisija je za prihvatljive ponude ponuđača „HIFA“ d.o.o. Tešanj i „HIFA- PETROL“ d.o.o. Sarajevo, zakazala e-aukciju 05.10.2018. godine u trajanju od 10 minuta u periodu od 12,00 do 12,10 sati. Prema Izvještaju o toku i završetku e-aukcije od 05.10.2018. godine konačna rang lista ponuđača koji su učestvovali u e-aukciji je sljedeća:

Redni broj	Naziv ponuđača	Vrijednost ponude (bez PDV-a)	Rang
1.	„HIFA“ d.o.o. Tešanj	7.500,51 KM (cijena na koju se primjenjuje preferencijalni tretman domaćeg)	1
2.	„HIFA-PETROL“ d.o.o. Sarajevo	7.716,75 KM (cijena na koju se primjenjuje preferencijalni tretman domaćeg)	2

Shodno Izvještaju o toku i završetku e-aukcije, odlučeno je da se ugovor o kupoprodaji 4500 litara lož ulja za potrebe Regionalne kancelarije Mostar, Agencije dodjeli ponuđaču „HIFA“ d.o.o. Tešanj, a kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 2x;
- Sektoru za mat.-fin. poslove;
- a/a.


 DIREKTOR
 GLAVNI GENERALNI INSPEKTOR POLICIJE
 Perica Stanić